

Apòkrifë - 61

Boże, chłòpòma je jimrotno!
Rzeknął aniół
- Nè bò kùli mòzna żgrzéc te jabka?
I ta Éwa. Wcyg jedna i ta sama
A mòłpié babë brzëdczé jak noc -
Jesz mie jaczi zawòdowi związk założą...!

- Bëlno prawisz - Bóg na to
A sòrknął tobaczczi w prawą dzurã
- Niechle jò co wëmëslã
Tak, cobë nôgtëpszi ludk
So dół z tim radã
A przeżiwół to z jinyma
Przë czipsach a piwie,
Cobë mù testosterón wëczipiwół
Do nédzi a bël mie pòstëszny...

Hewò je sëchi sztëk skórë
Ze zdechtégò kątora
Òn sã tak lubił pampùzëc.
Niech gò wëfulëją a kùglają
To jima sprawi...

Zlzlë szimpansë z drzewiãt
A zagrałë pierszégò Edenowégò mecza...

Tómk Fópka, Chwaszczëno, 21 czerwińca 2024 rokù, gòdz. 7.57 p.p.